

Lesley Griffiths AS

Gweinidog yr Amgylchedd, Ynni a Materion Gwledig

6 Hydref 2020

Annywl Lesley,

Diolch am ddod i gyfarfod y Pwyllgor ar 17 Medi. Mae'r Pwyllgor wedi cytuno y dylwn ysgrifennu atoch i drafod sawl mater ymhellach. Mae'r llythyr hwn hefyd yn rhoi sylw i nifer o faterion a godwyd gyda'r Pwyllgor gan randdeiliaid mewn ymateb i alwad am dystiolaeth ysgrifenedig mewn perthynas â COVID-19. **Byddwn yn ddiolchgar pe byddech yn ymateb erbyn 6 Tachwedd**, fel y gall eich ymateb lywio'r sesiwn graffu nesaf yr ydych wedi cytuno i'w mynychu.

### Lles Anifeiliaid

#### *Gwerthu cŵn bach gan drydydd parti*

1. Yn eich Datganiad Ysgrifenedig ar 5 Hydref, gwnaethoch gyhoeddi "y bydd gwaharddiad ar werthiant masnachol gan drydydd parti yn cael ei gyflwyno erbyn diwedd y Senedd hon." A allwch roi'r wybodaeth ddiweddaraf i'r Pwyllgor ynghylch pryd y byddwch yn cyflwyno'r is-ddeddfwriaeth? A wnewch chi gytuno i ddarparu'r is-ddeddfwriaeth ar ffurf ddrafft i'r Pwyllgor ymlaen llaw er mwyn galluogi'r Pwyllgor i ystyried a rhoi adborth arnynt?

#### *Cartrefi Cŵn a Chathod*

2. Mae'r Pwyllgor wedi cael gwybodaeth gan y Gymdeithas Cartrefi Cŵn a Chathod (ADCH) mewn perthynas â'r sector achub anifeiliaid yng Nghymru. Mewn ymateb i arolwg a gynhaliwyd ynghylch effaith COVID-19, dim ond dau ymatebydd o Gymru oedd yn sicr y byddent yn parhau i fod yn solfent ar ôl diwedd eleni. Rhagwelodd y rhai o Gymru a ymatebodd i'r un arolwg ostyngiad mewn incwm ar gyfartaledd o 80 y cant o ganlyniad i COVID-19. O gofio y bydd yr effaith ar y sector yn debygol o barhau am beth amser, pa gymorth fydd ar gael i sicrhau y gall sefydliadau yng Nghymru barhau i weithredu?

#### *Practisau milfeddygol*

3. Dywedwyd wrth y Pwyllgor fod COVID-19 wedi effeithio'n ddifrifol ar bractisiau milfeddygol ac nad ydynt wedi gallu cael mynediad at rywfaifant o'r cymorth ariannol a ddarperir i fusnesau oherwydd



Senedd Cymru

Bae Caerdydd, Caerdydd, CF99 1SN

SeneddNHAMG@senedd.cymru

0300 200 6565

Welsh Parliament

Cardiff Bay, Cardiff, CF99 1SN

SeneddCCERA@senedd.wales

0300 200 6565

natur unigryw eu gwaith. A allwch roi manylion i'r Pwyllgor ynghylch unrhyw drafodaethau yr ydych wedi'u cael gyda Chymdeithas Milfeddygon Prydain am effaith COVID-19 ar y sector? A allwch roi'r wybodaeth ddiweddaraf i'r Pwyllgor am y grantiau a'r cymorth ariannol sydd ar gael i'r sector?

### **Pysgodfeydd**

4. Rydych wedi dweud wrth y Pwyllgor y bydd Llywodraeth Cymru yn darparu cymorth ariannol i fusnesau dyframaethu cymwys drwy'r cynllun Cymorth i Fusnesau Dyframaethu, a ddaeth i ben ar 21 Medi. A allwch roi'r wybodaeth ddiweddaraf i'r Pwyllgor ynghylch y niferoedd sy'n manteisio ar y cynllun?
5. Tynnodd WFA-CPC (Welsh Fishermen's Association - Cymdeithas Pysgotwyr Cymru) sylw'r Pwyllgor at y "swm canlyniadol o dan fformiwla Barnett" y bydd Llywodraeth Cymru yn ei gael drwy ddyraniadau i gronfa ymateb pysgodfeydd Llywodraeth y DU. A allwch gadarnhau faint o gyllid y mae Llywodraeth Cymru wedi'i gael a faint o'r cyllid hwn a ddefnyddiwyd i gefnogi pysgodfeydd yng Nghymru?
6. A oes gennych gynlluniau i ymestyn Grant Pysgodfeydd Cymru? Pa gymorth ariannol pellach fydd ar gael i bysgotwyr Cymru i ymdrin ag effeithiau'r pandemig?
7. Soniodd WFA-CPC wrth y Pwyllgor am yr effaith ddifrifol ar y sector o ganlyniad i gau marchnadoedd allforio, megis Asia. Yn ôl y tebygolrwydd na fydd y sefyllfa hon yn cael ei datrys yn fuan, pa gamau yr ydych yn bwriadu eu cymryd neu a gymerwyd gennych eisoes i gynyddu faint o fwyd y môr sy'n cael ei fwyta'n ddomestig?
8. Mae Llywodraeth y DU wedi trefnu bod cyllid ar gael i fusnesau sy'n canolbwyntio ar brosesu a gwerthiannau uniongyrchol. A yw hyn yn rhywbeth yr ydych wedi'i ystyried ar gyfer Cymru?
9. Mae COVID-19 a chau marchnadoedd allforio wedi cael effaith ddifrifol ar y sector ac mae'n wynebu cryn ansicrwydd gyda Brexit "dim cytundeb" posibl ond fisoedd i ffwrdd. A allwch roi manylion i'r Pwyllgor am eich cynlluniau i gefnogi pysgodfeydd a busnesau dyframaethu pe bai Brexit "dim cytundeb"?

### **Bwyd a diod**

10. A allwch roi'r wybodaeth ddiweddaraf i'r Pwyllgor am drafodaethau yr ydych wedi'u cael neu yr ydych yn bwriadu eu cael gyda chymheiriaid yn Llywodraeth y DU ynghylch y cynigion i wneud newidiadau i'r cynllun Rhyddhad i Fragwyr Bach?
11. Dywedodd Athrofa Ymchwil Lleoedd Cynaliadwy Prifysgol Caerdydd, yn ystod pandemig COVID-19, "Businesses have experienced rapid increases in consumer demand for Welsh grown produce". Dywedodd y Rhwydwaith Bwyd Agored (OFN) wrthym ers argyfwng COVID-19 y bu cynnydd o 850 y cant mewn trosiant drwy siopau'r OFN ar draws Cymru. Pa gamau yr ydych yn eu cymryd i sicrhau y gellir trosi cynnydd o'r fath i newidiadau hirdymor mewn ymddygiadau o ran defnydd?

### **Ansawdd aer**

12. Gwnaethoch ddweud wrth y Pwyllgor "the first two months of lockdown really showed significant decreases in some pollutant levels, but other pollutant levels apparently increased at the same time." A allwch roi rhagor o wybodaeth i'r Pwyllgor am y mater hwn, yn enwedig yr ardaloedd hynny lle cynyddodd llygryddion? Ydych chi'n credu y gellir dysgu unrhyw wersi o'r amrywiant hwn?
13. A allwch roi'r wybodaeth ddiweddaraf am y canlynol:
  - unrhyw drafodaethau yr ydych wedi'u cael â Llywodraeth y DU mewn perthynas â chyfyngu ar werthu a defnyddio tân gwyllt, a



- chanlyniad y gwaith a wnaed gan swyddogion o fewn adrannau i ganfod ble orau y gall Llywodraeth Cymru ganolbwyntio ei hymdrechion i leihau effaith negyddol tân gwyllt ar bobl ac anifeiliaid?

### **Adferiad gwyrdd/glas a newid hinsawdd**

14. A wnewch chi ymrwymo i sicrhau y bydd materion morol yn rhan ganolog o unrhyw waith adferiad "gwyrdd"? A allwch roi enghreifftiau o sut y bydd hyn yn cael ei gyflawni?
15. Rydych wedi dweud wrth y Pwyllgor eich bod yn aros am adroddiad sy'n deillio o'r gwaith y mae Syr David Henshaw wedi bod yn ei arwain ar yr adferiad gwyrdd/glas. A wnewch chi roi'r wybodaeth ddiweddaraf i'r Pwyllgor am ganlyniadau'r gwaith hwnnw cyn gynted ag y gallwch?

### **Amaethyddiaeth a diogelwch bwyd**

16. Gwnaethoch ddweud wrth y Pwyllgor fod grŵp rhanddeiliaid cadwyn gyflenwi bwyd-amaeth yr UE wedi cyfarfod yn ddiweddar am y tro cyntaf. A allwch roi rhagor o fanylion am ddiben ac aelodaeth y grŵp?
17. Dywedodd Athrofa Ymchwil Lleoedd Cynaliadwy Prifysgol Caerdydd wrth y Pwyllgor fod Cymru ar hyn o bryd yn dibynnu ar fewnforion ar gyfer 95 y cant o'i ffrwythau a'i llysiau ffres. Pa waith paratoi a wnaed i sicrhau, pe bai Brexit "dim cytundeb", y gall cynhyrchwyr bwyd domestig gamu i mewn i lenwi unrhyw fylchau yn y gadwyn cyflenwi bwyd? A wnewch chi ymrwymo i gyflwyno cynllun i gynyddu'r defnydd o fwyd a gynhyrchir yn ddomestig os yw'n dod yn anoddach i fewnforio bwyd?
18. Sut mae COVID-19 wedi effeithio ar eich dull o ran polisi bwyd yng Nghymru? Rhowch enghreifftiau, os gwelwch yn dda.
19. A allwch roi'r wybodaeth ddiweddaraf i'r Pwyllgor am bolisiau Llywodraeth Cymru mewn perthynas â rhandiroedd?
20. Gwnaethoch ddweud wrth y Pwyllgor "COVID-19 has shown me how many more discussions I should be having with supermarkets". A allwch roi'r wybodaeth ddiweddaraf am y cyfarfodydd gyda chynrychiolwyr archfarchnadoedd yr ydych wedi'u trefnu hyd at Nadolig 2020?

### **Sbwriel a gwastraff plastig**

21. Dywedodd y Gymdeithas Cadwraeth Forol wrthym ei bod yn rhagweld y byddai lefelau llygredd ar draethau Cymru yn codi dros fisoedd yr haf "given that there are now limited opportunities for organisations such as ourselves to be able to undertake beach cleans using dedicated volunteers, coupled with a likely overall increase in domestic coastal holidays". Pa asesiad yr ydych wedi'i wneud o unrhyw gynnydd mewn llygredd morol o ganlyniad i hyn?

### **Materion eraill**

22. Mae nifer o randdeiliaid y Pwyllgor wedi elwa ar Gronfa Ymateb Covid-19 y Trydydd Sector Llywodraeth Cymru. Pa drafodaethau yr ydych wedi'u cael gyda'r sector ynghylch unrhyw gymorth ariannol pellach y bydd ei angen ar ôl i'r trefniadau ffyrlo ddod i ben?
23. Dywedodd Cyswllt Amgylchedd Cymru (WEL) wrth y Pwyllgor "Many elements of the Welsh Government's Environmental Growth agenda will depend on the work of charities, and many conservation and community projects are partnerships between Government agencies and civil society." Aeth ymlaen i ddweud "On-going financial losses will hamper the ability of



charities to deliver essential conservation and infrastructure improvement work.” Pa ystyriaeth yr ydych wedi'i rhoi i effaith hyn ar gyflawni polisiâu amgylcheddol a newid hinsawdd Llywodraeth Cymru?

### **Fframweithiau Cyffredin**

24. A allwch roi'r wybodaeth ddiweddaraf i'r Pwyllgor am ddatblygu Fframweithiau Cyffredin sy'n dod o fewn cylch gwaith y Pwyllgor, gan gynnwys eich dealltwriaeth ddiweddaraf o ran pryd y bydd fframweithiau dros dro ar gael i'r Senedd graffu arnynt?
25. Ydych chi'n fodlon â'r broses ar gyfer datblygu a chwblhau'r Fframweithiau Cyffredin? A oes gennych unrhyw bryderon penodol ynghylch unrhyw un o'r fframweithiau sy'n dod o fewn eich cylch gwaith?

### **Llywodraethu ac egwyddorion amgylcheddol**

26. A allwch roi'r wybodaeth ddiweddaraf i'r Pwyllgor am drafodaethau gyda Llywodraeth y DU i sicrhau diwygiad i Fil Amgylchedd y DU i wneud darpariaeth ar gyfer cydweithio rhwng Swyddfa Diogelu'r Amgylchedd ac unrhyw gorff llywodraethu amgylcheddol cyfatebol?
27. A allwch gadarnhau y bydd mesurau llywodraethu amgylcheddol dros dro ar waith erbyn diwedd y Cyfnod Gweithredu?
28. Pa drefniadau fydd yn cael eu rhoi ar waith i godi ymwybyddiaeth y cyhoedd o'r weithdrefn gwyno dros dro?
29. Rydych wedi dweud wrth y Pwyllgor o'r blaen eich bod yn bwriadu rhoi trefniadau ar waith i bob cwyn gael ei hasesu'n annibynnol. Pwy ddylai fod yn gyfrifol am gyflawni'r asesiadau hyn?
30. A allwch egluro a ydych, a phryd, yn bwriadu cyhoeddi cynigion ar gyfer trefniadau llywodraethu amgylcheddol tymor hwy?

Yn gywir,



Mike Hedges AS

**Cadeirydd y Pwyllgor Newid Hinsawdd, Amgylchedd a Materion Gwledig**

Croesewir gohebiaeth yn Gymraeg neu Saesneg.

We welcome correspondence in Welsh or English.



